

ব্যাংকিং প্রবিধি ও নীতি বিভাগ
বাংলাদেশ ব্যাংক
প্রধান কার্যালয়
ঢাকা।

বিআরপিডি সার্কুলার লেটার নং - ২২

ডিসেম্বর ১৯, ২০১৩
তারিখ :-----
পৌষ ০৫, ১৪২০

ব্যবস্থাপনা পরিচালক/ প্রধান নির্বাহী কর্মকর্তা
বাংলাদেশে কার্যরত সকল তফসিলী ব্যাংক।

প্রিয় মহোদয়,

আয়কর অধ্যাদেশ, ১৯৮৪ এর ৫২ ধারায় অন্তর্ভুক্ত স্থানীয়
ঋণপত্র (Local L/C) এর বিষয়ে স্পষ্টীকরণ প্রসংগে।

শিরোনামোক্ত বিষয়ে জুলাই ১৯, ২০১২ তারিখের বিআরপিডি সার্কুলার লেটার নং-০৬ এর প্রতি আপনাদের দৃষ্টি আকর্ষণ করা
যাচ্ছে। এতদসংক্রান্ত জাতীয় রাজস্ব বোর্ড এর নভেম্বর ০৭, ২০১৩ তারিখের পত্র নং ০৮.০১.০০০০.০৩১.০৩.০০৪.২০১৩/১০৯
আপনাদের অবগতি ও প্রয়োজনীয় কার্যক্রম গ্রহণের নিমিত্তে অপর পৃষ্ঠায় ছবছ পুনঃমুদ্রিত হলো।

০২। বর্ণিত নির্দেশনা আপনাদের সকল শাখাকে অবিলম্বে অনুসরণ এবং তার পরিপালন নিশ্চিত করার জন্য আপনাদেরকে
অনুরোধ করা যাচ্ছে।

অনুগ্রহপূর্বক প্রাপ্তি স্বীকার করবেন।

আপনাদের বিশ্বস্ত,



(মোঃ আনোয়ারুল ইসলাম)

উপ-মহাব্যবস্থাপক

ফোন : ৯৫৩০০৯৪

গণপ্রজাতন্ত্রী বাংলাদেশ সরকার
জাতীয় রাজস্ব বোর্ড
রাজস্ব ভবন
সেগুন বাগিচা, ঢাকা ।

নথি নং-০৮.০১.০০০০.০৩১.০৩.০০৪.২০১৩/১০৯

তারিখঃ ০৭/১১/২০১৩

বিষয় : আয়কর অধ্যাদেশ, ১৯৮৪ এর ৫২ ধারায় অন্তর্ভুক্ত স্থানীয়
ঋণপত্র (Local L/C) এর বিষয়ে স্পষ্টীকরণ প্রসঙ্গে ।

আয়কর অধ্যাদেশ, ১৯৮৪ এর ধারা ৫২ এবং আয়কর বিধিমালা ১৯৮৪ এর বিধি-১৬ অনুযায়ী Local L/C এর মাধ্যমে প্রদেয়/পরিশোধযোগ্য অর্থ হতে বেনিফিসিয়ারী বা অর্থগ্রহীতার অগ্রিম আয়কর হিসেবে উৎসে কর কর্তন করা বাধ্যতামূলক । অর্থ আইন, ২০১২ এর মাধ্যমে এ বিধানটি প্রবর্তিত হয়েছে । কোন্ কোন্ উৎসে কর কর্তনকারী কর্তৃপক্ষ কর্তৃক এ খাতে উৎসে কর কর্তন করা হবে তা জাতীয় রাজস্ব বোর্ডের পরিপত্র-১(আয়কর)/২০১২, তারিখঃ ১২/০৮/২০১২ ইং এর ১০নং অনুচ্ছেদে বিস্তারিত বর্ণনা করা হয়েছে । আইনের মর্মার্থ সম্যক বিবেচনায় এনেই বিভিন্ন উৎসে কর কর্তনকারী কর্তৃপক্ষ তাদের আইনগত দায়িত্ব পরিপালন করবেন- এটিই কাম্য । কিন্তু উৎসে কর কর্তনকারী কর্তৃপক্ষ হিসেবে কোন কোন ব্যাংক উক্ত আইনের যথাযথ প্রয়োগ না করে Local L/C'র কার্যক্রমকে ভিন্ন ভিন্ন নামে যেমন Invoice Financing, Supplier Financing ইত্যাদি নামে নামকরণ করতঃ উৎসে কর কর্তন থেকে বিরত থাকছে বলে জানা যায় ।

এমতাবস্থায়, যে নামেই অভিহিত করা হউক না কেন, যে ক্ষেত্রে একটি লেনদেন প্রকৃতিগতভাবে Local L/C'র অনুরূপ সে ক্ষেত্রে আয়কর অধ্যাদেশ ১৯৮৪ এর ৫২ ধারা এবং বিধি-১৬ অনুযায়ী যথাযথভাবে উৎসে কর কর্তনের প্রতি সজাগ দৃষ্টি রাখার জন্য সংশ্লিষ্ট সকলকে বিশেষভাবে অনুরোধ করা যাচ্ছে ।

স্বাক্ষরিত

(মোঃ আবদুর রহমান খান এফসিএমএ)

প্রথম সচিব (কর নীতি)

জাতীয় রাজস্ব বোর্ড, ঢাকা ।